

# लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति  
लुमंका दिसँ ।



लक्ष्मण रामाल 'चिलमि'  
प्रोप्राइटर

लाखा छँ

LAKHA CHHEN

सोदरखुटे, वडा नं. १६, येँ, फोन नं.: ८३६०७५८

## थुकि दुने



इन्द्रया मेगु पुसा  
नृपेन्द्रलाल श्रेष्ठ

- २



'जनताया साथलिसैं ज्या यायां  
न्ह्या:वनेगु ख:' - मैयालक्ष्मी महर्जन

- ३

न्ह्यइपुकक क्वचा:गु विश्वकप क्रिकेट २०१९  
प्रजित शाक्य

- ६



सुर-साधनाय रोजी डंगोल श्रेष्ठ



छत्रपाती चिकित्सालय नवनिर्वाचित  
पदाधिकारीपिनिगु शपथ ग्रहण ज्याइव:

४-५ पेज

# पार्किङ्ग ठेक्का रद्द याय्त दबाब

- ज्यापू समाजलिसैं ४०गू त्वा:या नाय:पिं पुखू दय्केगु पक्षय्
- 'प्रहरी दमनपाखें आन्दोलन दबे याय्त मेयर महर्जनया निर्देशन'

लहना संवाददाता

पलेस्वां पुखूया विवाद वार्तापाखें ज्यंकेत यल महानगरपालिकायात निरन्तर दबाब लानाच्वंगु दु ।

पलेस्वां पुखूयात पार्किङ यायगु थाय् कथं मखुसे पुखू हे कायम यायमा:गु माग तया: स्थानीयवासीपिं साउन १ गतेनिसैं निरन्तरकथं संघर्ष न्ह्याका वयाच्वंगु दु । स्थानीयवासीया संघर्षयात कया: थीथी जातीय समाज, संघसंस्था व ज्यापु समाजलिसैं पीगू त्वा:या नाय:पिन्सं नं ऐक्यबद्धता क्यंगु दु ।

थुगु ऐक्यबद्धतापाखें न्ह्याथे याना: नं पार्किङ यायगु थाय् दय्केगु ठेक्का कार्यान्वयन यानांतुं त्व:तेगु अडानय् दुम्ह महानगरपालिकाया प्रमुख चिरीबाबु महर्जनयात वार्तापाखें हे समस्या ज्यंकेत तसकं दबाब ला:गु सीदुगु दु । ठेक्काय् बीगु निर्णय कार्यान्वयन याय् मफय्वं समस्या ज्यंकेत प्रमुख महर्जनया निति वार्तावाहेक मेगु विकल्प नं ल्यमदुगु धा:गु दु । थुगु टेण्डर रद्द याय्वं ता: ईनिसैं यलथ्या थी थी थाय्या पस: क्व:या टेण्डर नं रद्द याय्माली धका: मेयर महर्जन आन्दोलनयात दमन याना: न्ह्या:वनेगु मनस्थिति दय्का:च्वंगु महानगरपालिकाया उच्च अधिकारी न्ह्य:थंगु दु ।


## पार्किङ्ग वा पलेस्वां पुखू दय्केगुलि विवाद



प्रहरी प्रशासनपाखें स्थानीयवासीया आन्दोलन क्वत्यलेगु प्रमुख महर्जनया नहापांगु योजना प्रहरी प्रशासनया हुनिं कार्यान्वयन जुइमफुत । प्रहरीं स्थानीयवासीया आन्दोलनयात दमन याना: मखु वार्ता याना: हे ज्यंकेमा:गु छ्याता प्रमुख महर्जनयात ब्यूगु खँ महानगरीय प्रहरी परिसर यलया उच्च अधिकारिपिन्सं धा:गु दु ।

महानगरपालिकां पार्किङ्गया निर्णय लागु यायमफुत

स्थानीयवासीया आन्दोलनया हुनिं न:त्वालय् च्वंगु पलेस्वां पुखू दुगु थाय् पार्किङ्गया निति ठेक्काय् बीगु यल महानगरपालिकाया क्व:छिना कार्यान्वयन जुइमफुत । महानगरपालिकां उगु थाय् साउन १ गतेनिसैं पार्किङ्गया निति ठेक्काय् बीगु क्व:छु यूगु ख: । महानगरपालिकां ठेक्काया निति वंगु



स्थानीयवासीनाप सहलह  
याना: समस्या ज्यंकेत  
महानगरपालिकां मा:गु  
ज्या न्ह्याके मागु खनेदु ।  
जिप्रकायात स्थानीयवासी ब्यूगु  
उजुरीबारे आवश्यक कार्यार्थ  
धका: महानगरपालिकाय्  
छ्वय् धुनागु दु ।  
-प्रेम राज जोशी  
प्रमुख जिल्ला अधिकारी, यल

जेठ १० गते बोलपत्र आह्वानय या:गु ख: । ठेक्काय् बीगु तयारी न्ह्याकेवं स्थानीयवासी उकिया विरोध याना वयाच्वंगु ख: । न:त्वा: पलेस्वां पुखू संरक्षण समिति, न:त्वा: मंका: खल: व न:त्वा: मिसा पुच:या न्ह्यलुवाय् स्थानीयवासी आन्दोलनय् कुहां व:गु ख: । विरोध प्रदर्शनया इवलय् स्थानीयवासी थ:पिन्सं हे पुखू दय्केत गा: म्हुल ।  
त्यं ७ पेजय्

## महानगरया 'पूर्वाधार विकास वर्ष'



येँ / येँ महानगरपालिकाया आर्थिक वर्ष २०७६/७७या नीति व ज्याइव: पारित जूगु दु । महानगरया न्याक्व:गु नगरसभाया मुँज्यां छु न्हि न्ह्य: पारित जूगु उगु नीति व ज्याइव:यात कया: जानकारी वीत छू पत्रकार सम्मेलन यासे उगु नीति व ज्याइव:या सार्वजनिक या:गु ख: ।

उगु सार्वजनिकीकरण ज्याइवलय् येँ महानगरपालिकां सम्पदा संरक्षणयात मू प्राथमिकताय् तयागु धयादिसैं महानगरया प्रवक्ता ईश्वरमान डंगोल महानगर सम्पदा संरक्षण तथा पर्यटन प्रवर्द्धनया निति 'पूर्वाधार विकास वर्ष' जुइगु धयादीगु दु ।

अथे हे, महानगरया हरेक जात्रायात अन्तर्राष्ट्रियकरण याना: पर्यटन प्रवर्द्धन यायगु व स्वनिग:या

तध:गु येँया: जात्रायात विश्वब्यापी यायगु तातुनां येँ महानगरया भगिनि सम्बन्ध व सहकार्य जुगु शहर नाप प्रतिनिधिपिन्त विशेष आमन्त्रण यायगु ज्याइव: नं न्ह्य:ने ह:गु दु ।

वइगु आर्थिक वर्षय् हनुमानधवाखानिसे स्वयम्भूतक पुरातात्विक सम्पदा पदमार्ग व पशुपतिनाथनिसे बौद्धस्तुपातक हरित सम्पदा पदमार्ग दय्केगु नीति व ज्याइवलय् दुथ्याकूगु दु ।

महानगर ऐतिहासिक, धार्मिक, पुरातात्विक महत्वया त्वा:, बस्ती, मठ, मन्दिर, भाषा, लिपि, रीतिरिवाज व अमूर्त सम्पदाया संरक्षण नाप सम्बर्द्धन यायगु नीति व ज्याइवलय् दुथ्याकूगु दु ।

त्यं ७ पेजय्





## सम्पादकीय



## विद्युतीय बसया निति

## ब्यूगु अनुदान

स्वनिलय् धू व कुँ जायाच्वंगु अवस्थाय् थुकियात म्हो याय्गु निति सम्बन्धित स्थानीय सरकार व केन्द्रीय सरकार यक्व हे योजना सार्वजनिक यानाच्वंगु खः । छगू इलय् ला प्रधानमन्त्री स्वनिगलय् मास्क मतसे हे न्यासि जुइफय्धुकूगु अवस्था जुल धकाः सार्वजनिककथं न्ववाय्गु ज्या जूगु खः । थुकियात कयाः सामाजिक सञ्जाललिसें थीथी पत्रपत्रिकाय् जक मखु, संसदय् तक सः ल्हवनेगु ज्या जुल । थुगु खँया विरोध जुल । थुकिया अर्थ थ्व खः कि स्वनिगलय् धू व कुँया प्रदुषण छफुति हे म्हो मजू, तर स्वनिगःयात प्रदुषण मुक्त याय्त फुककस्यां म्हगस धाःसा खनाच्वंगु दु, अभर्जि हे यानागु खः धकाः न्ववानाः 'जस' काय्त् तक लिफः स्वयाच्वंगु मदु । न्ह्यागु हे थजू, स्वनिगःयात प्रदुषण मुक्त याय्गु निति सकलें न्ह्याना हे च्वंगु दु धइगु सत्य खः ।

थजाःगु इलय् सरकार स्वनिगःयात प्रदुषण मुक्त याय्त साभायात ३गु अर्वातका धेबा बीगु निर्णय याःगु दु, व मेगु मखसें, विद्युतीय बस सञ्चालनया निति खः । थुकिं यानाः छगू ला नेपाल आयात याय् माःगु पेट्रोलियम पदार्थया खपत म्हो जुइगु स्वभाविक खःसा मेखे थुकिं वातावरण प्रदुषण म्हो याय्गु निति न उलि हे योगदान बीगु खँय् निगू मत मदु । तर न्ह्याबलें घाटाय् वनाच्वंगु साभायात विद्युतीय बस सञ्चालन याकेगु निति थुकथं अनुदान बीमाःगु खः वा मखु धइगु खँय् चर्चा जुयाच्वंगु दु । थ्व स्वभाविक न खः, तर न्हापायागु ज्याखंपाखें ज्ञान काय्गु खःसा आः गुकथं न्ह्याःवनेमाः धइगु बिचाः नं याय्माःगु खनेदु । थ्व धइगु साभा बस न्ह्याकेबलय् वयाच्वंगु व्यवस्थापनया पक्ष खः, थुकियात सरकार अनुदान जक बीगु खः वा व्यवस्थापन पक्षयात नं बिचाः याय्गु खः ।

विद्युतीय बस सञ्चालन याय्गु निति विद्युतया खपत जुइगु स्वभाविक खः, आः स्वयां अप्वः । थुकिया निति सरकार गुलि तक तयार दु । थुखेपाखे नं ध्यान बीमाःगु खनेदु । सरकार विद्युत उत्पादनया निति लगानी याय् धयाच्वंसां नं थुकिया प्रतिफल धाःसा उलि बांलाः मजू । इलय् विद्युत उत्पादन गृह क्वमचाइगुलिसें लागत अप्वया वनाच्वंगु, ततःधंगु विद्युत उत्पादनया निति न्ह्याकाच्वंगु परियोजना न्ह्याके मफूगु अभर्जि धाय्गु खःसा गुलिखे सम्भौता तक रद्द यानाच्वंगु अवस्था दु ।

मेगु विद्युतीय बस सञ्चालन याय्गु बांलाःगु खःसां नं थुकियात निति पूर्वाधार धाःसा तयार जूगु खनेमदु । गथेकि विद्युतीय चार्ज स्टेशन आःतक नं गनं दय्कूगु खनेमदु । छक्कः विश्व सम्पदाय् लानाच्वंगु लुम्बिनीया निति हःगु विद्युतीय गाडि स्वनिगलय् सञ्चालन याय्गु धकाः स्वयम् प्रधानमन्त्री उगु ज्याइवःया उलेज्या याःगु खः, तर आःतक नं न्ह्याकेफूगु मदुनि । थुकियात कयाः थीथीकथंया चर्चा परिचर्चा जूसां आःतक नं पूर्वाधार तयार यानाः सञ्चालन याय्गु खँय् सरकार न्ह्याचिलाच्वंगु खनेमदु । थजाःगु अवस्थाय् ३सःगः विद्युतीय बस सञ्चालनय् हय्गु निति सरकार योजनालिसें धेबा अनुदान बी न्ह्यः थुकिया पूर्वाधारयात कयाः ज्या न्ह्याकेमाःगु खः । प्रदुषण म्हो जुइगु लिसें इन्धन खपत म्हो जुइगु योजना बांलाःगु जूसां नं कार्यान्वयन याय् मफुत धाःसा स्वयम् सरकार असफल जुइगु खः । थुकियात कयाः नं ध्यान सम्बन्धित पक्ष बिचाः याय्माःगु थीया आवश्यकता खः ।

## द्वन्द्वया मेगु पुसा

समावेशीताया न्ह्यसः छुं जाति, समुदायया जक मुद्दा मखु । थ्व ला विश्वव्यापी लोकतन्त्रया विकसित जुयाच्वंगु मान्यता नं खः । वर्तमानय् दुगु जातीय, लैङ्गिक, भाषिक, क्षेत्रीय विभेद न्हंकेगु छगू सकारात्मक उपाय नं खः । थ्व छुं समुदायया भाग लाका काय्त् याःगु षडयन्त्र नं मखु, बरु फुकक समुदाययात समान अवसर व न्याय बीत लागू याइगु छगू बैज्ञानिक सामाजिक नीति खः ।



नूपेन्द्रलाल श्रेष्ठ

लोक सेवा आयोग स्थानीय तगिमय् ९द्वः सच्चि व ख्वीछम्ह कर्मचारी भर्नाया निति शुक्रवाःनिसें परीक्षा न्ह्याःगु दु । विज्ञापन पिहां वसानिसें संसदया राज्य व्यवस्था समिति, संसद् व सतकय् थुकिया तसकं विरोध जूसां नं आयोग परीक्षा

आन्दोलनपाखे वःगु संविधानया भावना अःखः जूगु दु ।

निजामती सेवा ऐन २०४९य् ५५गु प्रतिशत खुल्ला व ४५गु प्रतिशत आरक्षणपाखे पदपूर्ति याय्गु व्यवस्था दु । ऐनया दफा ७या उपदफा १य् आरक्षित ४५गु प्रतिशतयात १००गु प्रतिशत नालाः मिसापिन ३३गु प्रतिशत, आदिवासी जनजातियात २७गु प्रतिशत, मधेसीयात २२गु प्रतिशत, दलितयात ९गु प्रतिशत, शारीरिककथं अशक्तपिन ५गु प्रतिशत व ल्यूने लानाच्वंगु क्षेत्रयात ४गु प्रतिशत सीट आरक्षित यानातःगु दु । थजाःगु प्रावधान दय् कदय्क आयोगया विज्ञापन समावेशीताया मर्म व भावनायात न्हुइगु ज्या जूगु दु । लोकसेवा आयोगयात लोकया सेवा मयाइगु आयोगकथं हिलेत स्वःगु खनेदु ।

जुयाच्वंगु दु । केन्द्रीकृत सोच, असमावेशी व राज्ययात नृजातीय चरित्र दय्केगु सोचयात आयोग आधार दय्कूगु खः । संविधान कार्यान्वयनया चरणय् संविधान अःखः ज्या यानाः संविधान कार्यान्वयनय् हे हाथ्याः बल्लंगु दु ।

मेगु थुकिं संघीयतायात कमजोर दय् केत स्वःगु दु । संघीयताया नामय् नियन्त्रित व निर्देशित संघीयता कायम याय्त् स्वःगु खनेदु । संविधानया धारा २२७य् गाउँपालिका व नगरपालिकाया कर्मचारी व कार्यालय सम्बन्धि मेमेगु व्यवस्था प्रदेश कानूनकथं जुइगु न्ह्यथनातःगु दु । अथे हे, धारा २८५ (३)य् प्रदेश परिषद् गाउँपालिका व नगर कार्यपालिका थःगु प्रशासन न्ह्याकेत माःकथं कानून बमोजिक थीथी सरकारी सेवा दय्केगु व न्ह्याकेफइगु



कयातु त्वःतल । तत्कालया निति सरकार व आयोग विरोधया उपेक्षा याःसां नं थुकिं संविधान कार्यान्वयन, समाजया स्वाइगु सवालय् दीर्घकालीन द्वन्द्व बल्लकीगु खतरा धाःसा उलि हे दनि ।

६७दंया इतिहासय् आयोग थुलिमाछि ल्याखय् कर्मचारी भर्नाया निति विज्ञापन पिथंगु थ्व हे न्हापाखुसी खः । संवैधानिक आयोगया पिदंगु विज्ञापनयात कयाः संसद् व सतकय् विरोध जूगु नं थ्व न्हापाखुसि हे खः । विरोधयात नजरअन्दाज यानाः आयोग मेगु द्वन्द्व पीगु ज्या जुयाच्वंगु नं विश्लेषण याःगु दु ।

समावेशीताया न्ह्यसः छुं जाति, समुदायया जक मुद्दा मखु । थ्व ला विश्वव्यापी लोकतन्त्रया विकसित जुयाच्वंगु मान्यता नं खः । वर्तमानय् दुगु जातीय, लैङ्गिक, भाषिक, क्षेत्रीय विभेद न्हंकेगु छगू सकारात्मक उपाय नं खः । थ्व छुं समुदायया भाग लाका काय्त् याःगु षडयन्त्र नं मखु, बरु फुकक समुदाययात समान अवसर व न्याय बीत लागू याइगु छगू बैज्ञानिक सामाजिक नीति खः । नेपाःया संविधान स्वीकार यानातःगु विषय खः । थीथी त्वहः तयाः लोक सेवा आयोगपाखे गुकथं संविधान हाचां गाय्गु ज्या जुयाच्वन, थुकिं देसय् मेगु विद्रोहया पुसा पीगु ज्या जुयाच्वन । थ्व विज्ञापन ऐतिहासिक जनआन्दोलन, जनयुद्ध, मधेस विद्रोह, थारु, आदिवासी जनजाति, दलित, मुस्लिम, मिसा व खस आर्य फुककसिग बलिदानीपूर्ण

संविधानय् न्ह्यथनातःगु दय्कदय्क प्रदेशया अधिकार लाका कयाः स्थानीय तगिंया निति संघपाखे हे विज्ञापनया सूचं पिथनेगु गुलितक पाय्छि जू ? संघं भर्ना याइपिं कर्मचारी संघयात कयाः उत्तरदायी जुइ । परीक्षापाखे स्थानीय तगिमय् वइपिं कर्मचारी प्रदेशयात कयाः उत्तरदायी दय्केत अनिच्छा क्यंगु खनेदु । प्रदेश लोक सेवा आयोग नीमस्वंतल्य् प्रदेशया ज्या संघीय लोक सेवा आयोग याइगु इलय् समावेशीताया मर्मयात प्रहार याय् मज्यूगु खः ।

आयोग प्रत्येक स्थानीय तगिंयात छगू इकाइकथं नालाः व उकी प्वनाच्वंगु प्रत्येक तगिंया पदया निति समावेशीताया व हे सूत्र ह्यःगु दु । थुकिं यानाः समावेशी न्यून जूवंगु खः । संघीय मामिला तथा सामान्य प्रशासन मन्त्रालय आयोग छ वःगु कर्मचारी मागया फारामय् हे 'भेल' यानातःगुलिं नं प्रत्येक स्थानीय तगिंयात थीथीकथं थुइकूगु खः । प्रदेश दुनेया गाउँपालिका व नगरपालिकाया प्वनाच्वंगु पदयात सेवा समूहया लिधंसाय् छगू इकाइकथं तयाः स्वःगु जूसा समावेशीया लः थुकथं विकृत मजुइगु खः । स्थानीय तगिंयात भिन्न भिन्न धाय्गु तर अलग्ग प्रदेश प्रदेशया जातीय जनसंख्याकथं समावेशी कोटा फ्यानाः पिथनेमाःगु विज्ञापन संघं एकमुष्टकथं पिथनेगु थःहे गुलितक तर्कसंगत जू ? प्रत्येक प्रदेशयात छगू इकाइ नालाः समानुपातिक ल्याः मतसे पिथंगु विज्ञापन संविधान व कानून अःखः

न्ह्यथनातःगु दु । थजाःगु अवस्थाय् उगु विज्ञापन संघीयतायात नियन्त्रण याय्त् स्वःगु दु ।

संविधानय् न्ह्यथनातःगु दय्कदय्क प्रदेशया अधिकार लाका कयाः स्थानीय तगिंया निति संघपाखे हे विज्ञापनया सूचं पिथनेगु गुलितक पाय्छि जू ? संघं भर्ना याइपिं कर्मचारी संघयात कयाः उत्तरदायी जुइ । परीक्षापाखे स्थानीय तगिमय् वइपिं कर्मचारी प्रदेशयात कयाः उत्तरदायी दय् केत अनिच्छा क्यंगु खनेदु । प्रदेश लोक सेवा आयोग नीमस्वंतल्य् प्रदेशया ज्या संघीय लोक सेवा आयोग याइगु इलय् समावेशीताया मर्मयात प्रहार याय् मज्यूगु खः । थुकिं संविधान व संघीयतायात तसकं कमजोर दय्की । मेखे आरक्षणया विरोध याय्गु वा थुकियात चीकेगु षडयन्त्र याय्गु नेपाःया संविधान, ऐन, कानून व संघीय लोकतान्त्रिक व्यवस्थाया हे उपहास याय्गु खः । थुकिं अभर्जि द्वन्द्व जक बल्लकी ।

## त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ

भोर्छे, यँ

lahana.news@gmail.com





# ‘जनताया साथलिसें ज्या यायां न्हयाः वनेगु खः’



म्हो बजेटयात हे सदुपयोग यानाः फक्व अप्वः ज्याइवः दयकाच्चनागु दु । वडाया माग व आवश्यकताया अध्ययन यायां, वडाध्यक्ष व वडाबासीपिलिसे हे सहलह यायां ज्याइवः लागू याना वनाच्चनागु दु । उकिया नापं जिं सतक मतया नं जिम्मेवारी कयाः थाय्थासय् सतक मत तयगु ज्यायात तच्चयकाच्चनागु दु ।

**मैयालक्ष्मी महर्जन । येँ महानगरपालिका वडा ल्याः १५ मिसा दुजः । समाज सेवाया भावनां प्रेरित जुयाः थःगु त्वाः समाजया सेवा याना जुजुं वय्कः थौंकेन्हय् जनप्रतिनिधि हे जुयाः ज्या याय्त ताःलाःगु दु । १५ वडावासीपिन्सं वय्कःयात हे विश्वास यानाः मत बियाः १५ वडाया मिसा दुजलय् निर्वाचन यानाब्युगु दु । वय्कःया जीवनया थीथी पक्षलिसें वय्कःया थौंकेन्हय्या ज्याया विषयस जूगु खँलाबल्हा ।**

**छिगु परिचय गुकथं बी ? समाजसेवी कि राजनीतिक व्यक्ति ?**

जि आः वडा दुजः जुयाः समाजसेवा यानाच्चना । राजनीतिक ल्याखं धाःसा जनप्रतिनिधि खः । तर जि उलि राजनीति सःम्ह अथवा राजनीति यानाजुयाम्ह ला मखु । जिगु आज्जु धइगु ला समाजसेवा हे खः । समाजसेवा याय् माः धकाः जुयाम्ह खः ।

**थुगु क्षेत्रय् छि गुकथं थ्यन ? सुंपाखें प्रभावित जुयाः खः ?**

साधारण किसान परिवारं वयाम्ह जि ला । न्हापा न्हापा किसानी हे ज्या यानावयागु । राजनीति, पार्टी धयागु ला छुं हे स्यूगु मखु । न्हापां ला पार्टीइ दुहांवनेगु लँ नं मखनाच्चन । छम्हेसिनं जितः वनेगु ला धकाः न्यंवल । का नु धकाः वनाछ वया । ५५ सालपाखे अखिल नेपाल महिला संघ १५ वडा कमिटीइ सदस्यता कया । वडा कमिटीइ च्वनाः ज्या यायां क्षेत्रीय दुजःतक जुया, थौंकेन्हय् महानगरपालिकाय् महानगर कमिटीइ दुजः जुल । अखिल नेपाल महिला संघया निर्वाचन क्षेत्र नं ८या नायः जुयाः जिल्ला कमिटीइ ज्या यानाच्चना । ६२/६३ आन्दोलनय् नं तःगु हे प्रदर्शनय् सरिक जुया । व हे ल्याखं पार्टीइ ज्या यायां ७०सालया संविधानसभाया चुनावय्

त्यानादीमह माननीय सांसद अष्टलक्ष्मी शाक्यज्यूया स्वकीय सचिव जुयाः नं ज्या याना । स्वदं धइथें ज्या याय्थुंकाः स्थानीय चुनावया इलय् जिं अन त्वःतेमाल । अथेसां वय्कःयात आःतक नं ग्वाहालि यानाः ज्या यानाच्चनागु हे खत । आः वडा दुजःतक थ्यन । जनताया विश्वासं जनप्रतिनिधि जुयाः ज्या याय् खनाच्चन, जनतायात उकिया निर्ति सुभाय् नं दु ।

नेवाः समाजय् राजनीतिइ भी जुइमज्यू धाय्माः । उकीसनं छि ला मिसाम्ह । छैय् नं पंगः मवः ला ? गुलितक थाकुल, गुलितक संघर्ष याय्माल ?

थःपिन्सं हे नेतृत्व कयाः न्ह्याःवनेमाःगु दु । उलि थाकु मजू । आः संघर्षया खँ ल्हाःसा संघर्ष यानाः हे वयागु खः । जि न्हाचः नं धया, जि ला छम्ह किसानया मचा, बारीइ ज्या यायां, स्कूल वनाः ब्वैब्वं नं यानाच्चनागु खः । छैया तःधिकाःम्ह न्ह्याय्मचा नं जि हे लात । व ल्याखं छैया जिम्मेवारी नं भचा दुगु जुल । छैया आर्थिक अवस्था कमजोर जुगुलिं जिं बुँइ नं ज्या याय्गु, आखः नं वनेगु, अलय् पिने नं ज्या याः वना । लिपा एसएलसी बीत व ज्या त्वःता । क्याम्पस वनागु इलय् मेगु जागिर नं नया । लिपा वयाः प्रिन्टिड प्रेसय् लगानी यानाः ज्या न्ह्याका यंका । थुकथं जिगु व्यक्तिगत जीवनया संघर्ष ला थःगु हे थासय् दनि ।

छैया खँ ल्हाय्बलय् थुगु क्षेत्रय् जुइत जितः छुं हे पंगः मदु धाय्माः । छैयःपिन्सं जितः हःपाः हे बियाच्चंगु दु । याय्मा, या धाइ, माःगु ग्वाहालि का वा नं धाइ । तर समाजय् मिसातय्त भचा विभेद हे खनेदु । समाज ल्युने ल्युने खँ ल्हानाजुइगु, याःगु ज्यायात हःपाः मबीगुकथंया ज्या मजगु मखु, जू । जि न्ह्याः वनाच्चना । खँ ल्हाइपिं ल्हानाच्चनी का ।

**आः जनप्रतिनिधि जुइथुंकाःया योजना छु दु ? प्राथमिकताया आधारय् कनादिसं ले ।**

प्राथमिकता धयागु ला जिमिसं चुनावया इलय् जनतायात बियागु प्रतिबद्धताकथं हे खः । उबलय् जिमिसं छु नं प्रतिबद्धता प्वका, व हे आधारय् ज्या यानावनेगु खः । आः जिगु हे नेतृत्वय् न्ह्याकार्यकेगु ज्याइवःया खँ ल्हाय् बलय् १५ वडाया मिसा तःकेहोपिन्त सक्रिय दय्केगु, मिसा नेतृत्व विकास याय्गु ज्या न्ह्याःनेयंकाच्चनागु दु । मिसातय्त थःगु हे तुति दनेफइकथं सीपमूलक तालिम नं यानाच्चनागु दु । न्हापां उद्योषण तालिम छगु बिया, पुलांगु कापःया गमला दय्केगु तालिम नं याय्थुन, अलय् व गमलाय् भ्वंया, कापःया स्वां दय्केगु तालिम नं याना ।

आः छगु तर्गिं थहांवनाः थ्व स्वयां प्रभावकारीकथंया योजनात न्ह्याःने यंकागु दु । थुगुसी जिमिसं मिसा हक, अधिकारयात कयाः संविधानय् दुगु व्यवस्था व कानूनबारे खुथाय्, न्हय्थाय् हे प्रशिक्षण बीधुन ।

मिसा शीर्षकय् बजेट भचा म्हो हे दु । विकास निर्माणय् जक अप्वः बजेट वइ । व हे म्हो बजेटयात हे सदुपयोग यानाः फक्व अप्वः ज्याइवः दयकाच्चनागु दु । वडाया माग व आवश्यकताया अध्ययन यायां, वडाध्यक्ष व वडाबासीपिलिसे हे सहलह यायां ज्याइवः लागू याना वनाच्चनागु दु ।

उकिया नापं आः जिं सतक मतया नं जिम्मेवारी कयाः थाय्थासय् सतक मत तयगु ज्यायात तच्चयकाच्चनागु दु ।

**सतक मत तयगु ज्या गुलितक क्वचाल ले ?**

उज्यालो सतक धइगु अभियानयात न्ह्याःने यंकाः माःगु दक्व थासय् सतक मत ततं वनाच्चनागु दु । जिमिसं थ्व ज्या न्ह्याकागु स्वला धइथें दत । थीथी त्वाःया स्थानीय

क्लव, संघसंस्थापाखें छम्ह छम्ह प्रतिनिधि कयाः थःथःगु त्वालय् थःम्ह थःम्ह हे नेतृत्व कयाः ज्या यानावनेगु ल्याखं थुगु योजना न्ह्यानाच्चंगु दु । ४०म्ह धइथें स्थानीय संस्थाया प्रतिनिधि तयाः कमिटी दय्काः मुंज्याय् सरसल्लाह यानाः ज्या न्ह्याःने यंकाच्चनागु दु । मत सेट वडां उपलब्ध याकेगु, अलय् उकिया स्टाय्ण्डया व्यवस्था स्थानीय संस्थापाखें याय्गुकथंया योजना न्ह्याकाच्चनागु दु । थुकिं यानाः थःगु स्वामित्व नं दइ, निरन्तर सम्पर्क व समन्वय नं दयाच्चनीगु जुल ।

आःतक ६०गु प्रतिशतति ल्यं दनि, ४०गु प्रतिशतं मयाक्क ला क्वचाय्थुंकेल । अथेसां ज्या धाःसा खने मदुथें ताः जितः । स्वयम्भु गःचाः हिलेथाय् भचा खनेदु । अलय् भगवान पाउनिसें बिज्यासःतकक नं ज्या जुइथुंकेल ।

**आः दक्वथाय् मत तय् सिधय्केत गुलि ई काइतिनि जुइ ?**

ज्यूसा ला याकनं हे सिधय्के धइथें जुइगु, आःया आः हे सिधय्के दुसा ज्यू । त्वाः, वडा भःभः धाइनि । तर धयाबलय् सामान दयाच्चनी मखु । हाकनं न्हिनय् ज्या याकेत नं थाकु । वा वय्मा, निभाः त्वय्मा, ज्या याइपिन्त तसकं थाकु । निरन्तर हे याना वनेगु जूसां म्होतिं नं स्वला ला बीतिनि ला ।

**छिगु भविष्यया योजना वा उद्देश्य छु दु ?**

जनप्रतिनिधिया ल्याखं जिगु निर्ति ला मू ज्या खः, ज्या यायां हे थहांवनेगु खः । जिं जक थथे याय् धयां नं मजिल । आः गुलिखे थासय् ३३गु प्रतिशतया नियम हे दय्थुंकेलं नं मिसातय् सहभागिता म्हो तिनि । थः नं ज्या यानावनेगु खः, नापनापं पार्टी व जनतापाखें ग्वाहालि कयाः न्ह्याःने वनेगु खः ।



**Sweet Cave**  
(जीवन दाईया पसः)  
Kalimati, Kathmandu, Nepal  
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।  
आउटडोर भेज क्याटोरिङ्ग पनि गरिन्छ ।

(क) व्यापारी त्यासा  
(ख) हायरपचेज त्यासा  
(ग) आवासीय त्यासा



(घ) शेयर त्यासा  
(ङ) मुहुती रसिद धितो त्यासा  
(च) क्रमिक निक्षेप त्यासा

**मिलन बहुउद्देशीय सहकारी संस्था लि.**  
ह्वनाछें, पाको, न्हूसतक, येँ, नेपाः  
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७



## छत्रपाटी निःशुल्क चिकित्सालय नवनिर्वाचित पदाधिकारीपनिगु शपथ ग्रहण ज्याइवः



छत्रपाटी निःशुल्क अस्पतालया गुक्वःगु साधारणसभां न्हूगु कार्यसमितिया न्हापांगु मुँज्या च्वन । वंगु जेष्ठ ३२गते जूगु निर्वाचनयु ड़ा.मनोजमान श्रेष्ठया नेतृत्वयु न्हूगु ज्यासना पुचः ल्यःगु खः ।

न्हूगु ज्यासना पुचलयु उपाध्यक्षयु कुमारदेव मानन्धर, महासचिवयु राजेन्द्रप्रसाद मानन्धर, सचिवयु हरि ३० महर्जन, कोषाध्यक्षयु सजनी जोशी व सहकोषाध्यक्षयु कृष्णप्रसाद मानन्धर निर्वाचित जुयादीगु खः । अथे हे, दुजलयु सुमनकृष्ण श्रेष्ठ, जुजुकाजी महर्जन, जगदीश माली, सुचेनमान माली व कपिल श्रेष्ठपिं निर्वाचित जुगु खः । नायः ड़ा.मनोजमान श्रेष्ठया सभाध्यक्षतायु च्वंगु कार्यसमितिया न्हापांगु मुँज्यापाखें निम्हेसित दुजलयु मनोनित याःगु दु । उगु मुँज्यापाखें ड़ा. प्रेमलकुमार जोशीयात छत्रपाटी निःशुल्क अस्पतालया मेडिकल डाइरेक्टरयु नियुक्ति याःगु दुसा कार्यसमितिया न्हूपि दुजलयु सुरज श्रेष्ठ व जमुनादेवी मालीयात मनोनित याःगु खः ।

थ्व हे इवललयु छत्रपाटी चिकित्सालयया न्हूम्ह नायः ड़ा. मनोजमान श्रेष्ठलिसें न्हु निर्वाचित जुयादीपिन्स छगु ज्याइवःया दथइ कार्यभार लःल्हाना काःगु दु । ज्याइवललयु सभापति विजय मालीं न्हूपिन्त लसकुसया नापनापं कार्यकाल सुथालाक्क न्ह्याकेफयुमा धकाः भित्तुना नं बियादीगु खः । पुलाम्हे मूख्याञ्जे जलकृष्ण श्रेष्ठ न्हूम्ह मूख्याञ्जे राजेन्द्रप्रसाद मानन्धरयात चिकित्सालयया माइन्ट व पुलाम्हे दाभरि दिनकर मानिसंह प्रधानं आर्थिक नियमावली न्हूम्ह दाभरि सजन जोशीयात लःल्हानादीगु खः ।

किपा : नृपेन्द्रलाल श्रेष्ठ





# सुर-साधनाय् रोजी डंगोल श्रेष्ठ

किपा : अविरेल मानव श्रेष्ठ





# नह्यइपुवक ववचा: गु विश्वकप क्रिकेट २०१९



प्रतीक शावक

विश्वकप क्रिकेटया फाइनल इङ्ल्याण्ड व न्यूजिल्याण्ड थ्यनेव विश्व न्हूह च्याम्पियन प्राप्त याइगु पक्का जगु खः। फाइनल कासाय थःमहेस्यां हे इतिहास दयकल, गुकी इङ्ल्याण्डया न्हापांगु विजयया चर्चायात हे बुलुका बिल। विश्वकप क्रिकेटया फाइनल न्हापांखुसी 'टाइ' जुल। व लिपाया विश्वविजेताया छिनोफानो यायत जगु सुपर ओभरय नं 'टाइ' जुल। थजाःगु स्थितिइ अप्चः चौका व छक्का थ्याःगु टिम विजेता जुइगु नियमकथं घोषणा यात। थजाःगु नियम व्यवहारय मवःगुलिं म्हेजक मनूतयसं स्यू। उगु नियमकथं इङ्ल्याण्डयात विजेता घोषित यात। क्रिकेटया जननी इङ्ल्याण्ड न्हापांखुसी विश्वविजेता जुल व विश्व क्रिकेट न्हूह च्याम्पियन प्राप्त यात।

खयत ला इङ्ल्याण्डयात कासा न्ह्यः हे विश्वकप उपाधिया मू दावेदारकथं स्वयाचंगु खः। आइसीसी वरियताय शीर्ष स्थानय दु, इङ्ल्याण्ड। सन् २०१७य च्याम्पियन्स ट्रफिया सेमीफाइनलय बुइधुकाः इङ्ल्याण्ड एकदिवसीय श्रृंखलाय बुगु मदिनि। थ्व हे दथुइ इङ्ल्याण्ड न्ह्यः अप्चः अष्ट्रेलिया, न्यूजिल्याण्ड, भारत व श्रीलंकायात एकदिवसीय श्रृंखलाय बुकूगु खः। थुगुसी वेष्ट इण्डज विरुद्धया श्रृंखला २-२या ल्याखं बराबरी म्हेतुगु जक इङ्ल्याण्डया कमजोर लिच्चः खः। अथे हे, धरेलु कासाख्यः व स्वकुमि इङ्ल्याण्डया नितिं दकलय तःधंगु 'प्लस प्वाइन्ट' खः।

अथे ला लिग चरणया कासाय इङ्ल्याण्डया ब्वज्या अपेक्षाकथं बालाः मजू। सेमीफाइनलतकया यात्रा थ्याःक्वथ्याः जुल। भारत व न्यूजिल्याण्ड विरुद्धया लिपांगु निगु लिग कासाय अःपुक्क त्यायधुंका जक इङ्ल्याण्ड अन्तिम चरणय थ्यनेत ताःलाःगु खः। सेमीफाइनलय

अष्ट्रेलियायात एकपक्षीयकथं बुकूगु इङ्ल्याण्डया नितिं न्यूजिल्याण्ड विरुद्धया उपाधि कासा धाःसा नैया बजि न्ह्ययगु थें जुल।

४६-न्हुया क्रिकेटया महाकुम्भयया 'क्लाइमेक्स' अविश्वसनीय जुल। तःक्वःमछि न्यूजिल्याण्डयात भायं साथ मव्युगुलिं जक इङ्ल्याण्ड च्याम्पियन जुइत ताःलाःगु खः धाःसां पाइमखु। उगु फाइनल कासाय भायया साथ नं माः धइगु नजीर स्थापित जुल। भायमानी जगु न्हापांगु दसू इङ्ल्याण्डयात स्वंगू बलय गुंगू रन माःगु इलय निगगु रन पूर्वकेत डाइभ याःमह स्टोकयात लानाः बल सीमारेखां पिहांवंगु खः। छगू रन जुइमाःगु उगु बलय इङ्ल्याण्डयात खुगु रन प्राप्त जुल। अफ साइमन टफेलं अनफिल्ड अम्पयरं नियमकथं न्यागू रन बीमाःगुली छगू रन अप्चः बियाः गलित याःगु धायधुंकाः फाइनल अम्पयरपाखें तःधंगु गलित जगु पिहांवल। व ला फाइनल इङ्ल्याण्डया भायमानी जगु निगगु अवसर खः। उगु घटनाया गुंगू बल न्ह्यः न्यूजिल्याण्डया ट्रेन्ट बोल्ड स्टोकया क्वाच कायधुंका खः। तर वयकलं सन्तुलन तंक्गुलिं सीमारेखाय दुगु खिपः न्हुल। गुकिया कारण स्टोक आउट जुइमाःगु स्थितिइ न्यूजिल्याण्ड थप खुगू रन बीमाल।

अथे ला इङ्ल्याण्ड ट्रीफिया हकदार मखु धाय नं मज्यू। इङ्ल्याण्ड विश्वकप च्याम्पियन टिमकथं हे म्हेतल। इङ्ल्याण्डया नितिं थुगु उपाधि भावनात्मक नं खत। प्यदं न्ह्यः इङ्ल्याण्ड तुयगु बलया क्रिकेटय नं सुस्त गतिइ परम्परागत शैली नालाः म्हेतीगु खः। गुकिं यानाः एकादिवसीय क्रिकेटय इङ्ल्याण्डया नां गबलें सम्मानकथं कायगु मयाः। सन् २०१५य विश्वकप चरणं पिहां वनेधुंकाः इङ्ल्याण्ड अपमानित जगु महसूस यात। व लिपा इङ्ल्याण्ड थःगु हे छैय जुइगु विश्वकप त्याकेत प्यदं न्ह्यःनिसें तयारी न्ह्याकल, व नं थःगु क्रिकेट म्हेतेगु शैलीयात त्वःताः। इङ्ल्याण्ड लिपांगु विश्वकपलिपा फुक्क ध्यान एकादिवसीय व टि-२० थेंजाःगु चिहाकःगु संरचनाया क्रिकेटय ब्यगु खः। प्रशिक्षक ट्रेभर बैलिस व कप्तान इयोग मोर्गनं टिमय आक्रामक, सकारात्मक, जोखिम कायगु मनस्थितिया कासा जायकाबिल। उगु हे शैलीइ म्हेतेफूषिं कासामित ल्यल। तःक्वःमछि ताःमलाःसां नं उमिके विश्वास कायम हे यानातल। व लिपा जक इङ्ल्याण्डया टिमं चमत्कार क्यन। इङ्ल्याण्डं लत्या ताःहाकःगु विश्वकपय प्रतिक्ल इलय नं आक्रामक शैलीं म्हेतेगु त्वःमतल।



थुकि विश्वकपथें जाःगु तःधंगु कासा छहुं त्याइमखु। कासाय सफल जुइत दीर्घकालीन रणनीति व पूर्ण प्रकृत्यां जक सम्भव जुइ धइगु सन्देश नं ब्यगु दु। थ्व सफलतां इङ्ल्याण्डय म्हे जुजुं वनाचंगु क्रिकेटया क्रेज हाकनं लिहां वइगु अपेक्षा याःगु दु। क्रिकेटया जननी राष्ट्र खः, इङ्ल्याण्ड। इङ्ल्याण्ड क्रिकेट कासायात कयाः गर्वनं याइ, तर न्ह्युपुस्ता क्रिकेटपाखें तापाना वनाचंगु अवस्था खः। इङ्ल्याण्ड सेमीफाइनल थ्यने न्ह्यःतक बेलायतया स्वकुमितयत विश्वकप क्रिकेट स्वयां मिस्तयगु विश्वकप फुटबल कासां सालाचंगु खः। विश्वकपय रंगशाला नं एशियाली स्वकुमि व एशियाली मूलया बेलायती जक जायाचंगु स्पष्ट खनेदु।

उखे उपाविजेत न्यूजिल्याण्ड विश्वकपय न्ह्याबले बांलाक म्हेतेगु याः। न्यूजिल्याण्ड थुगुसी नं उपाधि भिडन्तय लगातार निक्वःखुसी फाइनल म्हेतल। थुगुसी नं न्यूजिल्याण्ड ट्रीफ त्याके मफुत। अथे खःसां फुक्कसिगु मन धाःसा त्याक्यु दु। मुस्किलं सेमीफाइनलय थ्यंगु न्यूजिल्याण्ड पायुंछि इलय थःगु कासाया स्तर थकाल। कप्तान केन विलियमसन विश्वकपया नापनाप क्रिकेटया सुपरस्टार जुल। प्यखेरं चौका व छक्काया नियमया विरोध जुयाचंगु इलय नं न्यूजिल्याण्ड तःधंगु कासाया भावना क्यनाः हारयात स्वीकार यात। थःगु पक्षय मखुगु निर्णय जूसां नं उकियात विवादय महल। न्यूजिल्याण्डया प्रशिक्षक गेरी स्टिंग थुलि जक धाल, मेगु संस्करणनिसें थजाःगु परिस्थिति वःसा मंकाः विजेता

दयकूसा पायुंछि जुइ।' उकिं आः न्यूजिल्याण्डया चर्चा विश्वकप विजेता इङ्ल्याण्ड स्वयां म्हे मजू।

थुगुसी विश्वकपय रनया वर्षा जुइगु अपेक्षा यानातःगु खः। ख नं खः, लिपांगु स्वदं इङ्ल्याण्डया पीच ब्याट्सम्यानया नितिं स्वर्ग हे जुयाचंगु खः। इङ्ल्याण्डय हरेक टिम स्वसःगु रन याउंके हे दयकी। उकिं थुगुसी नं छगू पालीइ न्यासः रन दयकी धइगु भविष्यवाणी जुल, तर न्ह्यानाचंगु विश्वकपय ३५०गु रन स्वयां च्वयया स्कोर प्यक्वःतक दयकल। अफगानिस्तान विरुद्ध ३९७गु रन दयकाः इङ्ल्याण्डं दकलय अप्चः स्कोर दयक्यु खः। उगु कासाय इङ्ल्याण्डया इयोन मोर्गनं कीर्तिमानी १७गु छक्का थ्याःगु खः।

बेलायतय कासाया सुरुवातय हे लकस ख्वाउं। गुकिं यानः प्लायट व सुख्खा पीच छक्वलं नाइसे व सुस्त जुल। विश्वकप क्रिकेट ब्याट्सम्यानया जक मखुसे जिमिगु नं खः धइगु हौसला बलरतयके वल। अथेखःसां विश्वकपय टस त्याइगुयात बन्दि छक्का त्याइगु सरहथें जुइगु खः। छु नं टिम पायुंछि लक्ष तक प्राप्त यायमफुत। उकिं फुक्क टिमया नितिं अःपुगु समीकरण जुयाबिल, 'टस त्याकाः न्हापां ब्याटिड यायगु।' इङ्ल्याण्डय न्हापां ब्याटिङ याःगु टिमयात तःधंगु फाइदा जगु खनेदु। विश्वकपथें जाःगु तःधंगु कासाया दबाव, वर्षाया खतरा दुगु लकस व कासा न्ह्यानाचंगु पीच सुस्त जुजुं वनीगु हुनिं नं फुक्क टिम न्हापां हे ब्याटिङ यायगु ययक्यु खनेदु।

थुगु विश्वकपयात प्रतिस्पर्धात्मक दयकेत आइसीसी १४गु टिमपाखें १०गु याःगु खः। अथे हे विश्वकपय खनेदइगु टिम जिम्बावे, स्कटल्याण्ड व आयरल्याण्ड नं इङ्ल्याण्ड वय मखन। लिग चरणया मध्य इलय सेमीफाइनल म्हेतीगु प्यंगु टिम सीदयधुंका खः। इङ्ल्याण्ड श्रीलंकालिसे बुइधुंकाः कासाया अन्तिम प्यंगुलिइ थ्यनीगु टिमय धाःसा छुं भचा थ्याःक्वथ्याः जुइगु खःला धइथें जुल, अथेखःसां अन्तय न्ह्यःने वनाचंगु भारत, अष्ट्रेलिया, इङ्ल्याण्ड व न्यूजिल्याण्ड हे नकआउट चरणय थ्यन।

लिग चरणय अष्ट्रेलिया व भारत उपाधिया मू दावेदारकथं न्ह्यःने वःगु खः। अष्ट्रेलिया सेमीफाइनलय इङ्ल्याण्डया सर्वश्रेष्ठ प्रदर्शनया धरापय लाःगु खः। न्यूजिल्याण्ड विरुद्धया सेमीफाइनलय सुरुया १९गु बलय न्यागु रनय स्वंगू विकेट तंके न्ह्यः भारत विश्वकप ट्रीफिया लिक्क लाःगु अनुमान यानातःगु खः।

## हार्दिक श्रद्धाञ्जली

यस संस्थाका मेडिकल डाइरेक्टर

डा. प्रेमल कुमार जोशीको ममतामयी माता

## निर्मला देवी जोशी

को असामयीक निधनबाट हामी अत्यन्तै शोकाकुल तथा मर्माहत भएका छौं। यस दुःखद घडीमा दिवंगत आत्माको चीरशान्तिको कामना गर्दै भावपूर्ण श्रद्धाञ्जली अर्पण गर्दछौं। साथै शोक सन्तप्त परिवारजन प्रति हार्दिक समवेदना प्रकट गर्दछौं।

## डा. मनोजमान श्रेष्ठ

अध्यक्ष

छत्रपाटी निःशुल्क चिकित्सालय (अस्पताल)

कार्यसमिति परिवार



## स्व. निर्मला देवी जोशी

जन्म : वि.सं. १९९७ भाद्र १७

मृत्यु : वि.सं. २०७६ साउन १



छत्रपाटी निःशुल्क चिकित्सालय  
२०१३



## अःपुक्क ब्वंकेगु एप सार्वजनिक



ब्वनेकुथिइ ब्वैनीपिं मस्तयुत आखः ब्वनेगु नितिं ग्वाहालि जुइगु 'स्मार्टर मोबाइल एप' नेपालय् सार्वजनिक जूगु दु। म्याक्स कनेक्ट प्रा. लि. पाखें सञ्चालनय् हःगु उगु मोबाइल एपया उलेज्या मह जोडी मदनकृष्ण श्रेष्ठ व हरिवंश आचार्य यानादीगु खः।

ज्याइवलय् न्ववानादिसें मह जोडी थःपिनिगु इलय् छुं नं प्रविधि मद्गुलिं ब्वनेगु ज्या तसकं थाकूगु व थौकन्हय् प्रविधिया हुनिं ब्वैमिपिनिगु पढाई तसकं अःपुयावंगु विचाः तयादिल।

म्याक्स कनेक्टया प्रमुख कार्यकारी अधिकृत जीत रागव ४८गुनिसें ९गु

तिगितकया ब्वैमिपिन्त लक्षित यानाः पाठ्यक्रमकथं हे तयार याःगु उगु एपपाखें अनलाइन व अफलाइन निगुलिं माध्यमं अध्ययन याय्फइगु धयादिल। छम्ह ब्वैमिं दच्छिया न्यादःतक लहाप पुलाः एपया सेवा काय्फइगु नं धयादिल।

म्याक्स कनेक्टया निर्देशक राजेश तुलाधर थुगु एप यूरोप, अष्ट्रेलिया, अमेरिकाय् थें नेपालय् नं ब्वैमिपिन्त ग्वाहालि जुइगु विश्वास प्वकादिल। अथे हे, कम्पनीया प्रबन्ध निर्देशक रीना बज्राचार्य म्याक्स कनेक्ट पुचल थौंया डिजिटल युगयात ल्वय्कः एप दय्काः नेपाःया शिक्षा लागयात अःपुकेगु धयादिल।

## सरोदवादक राजोपाध्याययात भारतय् सम्मान

नेपाःया वरिष्ठ सरोदवादकलिसें म्ये हालामि उस्ताद यसराज सुदर्शन राजोपाध्याययात भारतया राजस्थानय् सम्मान याःगु दु। वंगु आइतवाः जुलाई १४ तारिखय् राजस्थान, जयपुरया जगतपुराय् च्वंगु 'सुरेश ज्ञान विहार विश्वविद्यालय'स जूगु अन्तर्राष्ट्रिय मैत्री सम्मेलनय् राजोपाध्याययात 'इन्टरनेशनल इण्डियन बेस्टिज अवार्ड-२०१९' लःल्हाःगु खः।

आर.वि. फाउण्डेशन व भव्या इन्टरनेशनलया ग्वसालय् कलाकार मञ्चया संयोजनय् जूगु मैत्री सम्मेलनय् वय्कःयात मुम्बईया समाजसेवीलिसें व्यवसायी सुरेश अग्रवाल उगु अर्वाड लःल्हानादीगु खः। असमया नाजाम्ह सामाजिक अभियन्ता शंकरलाल अग्रवालया अध्यक्षताय् जूगु ज्याइवलय् सुरेश ज्ञान विहार विश्वविद्यालयया नायः सुनील शर्मा, कलाकार मञ्चया संस्थापक शैलेन्द्र माथुर, मञ्चया निर्देशक डा. निशा माथुरलिसेंया ब्वति दुगु खः।

## मंकाः खलःया दबूछें दय्केत ५गु करोड



नेपालभाषा मंकाः खलःया दबूछें दय्केगु नितिं यें महानगरपालिकापाखें ५गु करोड २५गु लख तका दां बीगु जूगु दु। यें महानगरपालिकाया न्याक्वःगु अधिवेशनया इवलय् न्हयःगु आर्थिक वर्ष २०७६/७७या वार्षिक बजेट व ज्याइवलय् मंकाः खलःया नितिं फ्याःगु न्हयथनातःगु खः।

मंकाः खलकं थःगु दबूछें दनेगु नितिं ताः ई न्हयःनिसें कुतः याना वयाच्वंगु खः।

यें महानगरपालिकाया प्रमुख विद्यासुन्दर शाक्य थःगु चुनावी घोषणापतिइ नं थः त्यात धाःसा मंकाः खलःया दबूछें दनेगु नितिं बजेटया व्यवस्था याय्गु बचं बियादीगु खः।

ताःई न्हयःनिसें विवाद यानाः न्ह्याय् मफयाच्वंगु मंकाः खलः छुं ई न्हयः तिनि जनकवि दुर्गालाल श्रेष्ठया अध्यक्षताय् दर्ता याय्गु ज्या जूगु खः। आः वइगु बजेट अन हे दबूछें दय्कीगु खँ धाःगु दु।

## पार्किङ्ग...

थ्व स्वयां न्हयः धार्मिक विधिपूर्वक बज्राचार्य गुरुजुपिन्स पूजापाठ यानाः पुखूया शिलान्यास याःगु खः। उगु ज्याइवलय् ज्यापु समाजया पुलाहनायः कुलाल डंगोल, पुलाह सचिव अर्जुन महर्जन, आःया पदाधिकारी मोहन व्यञ्जनकारलिसें समाजया पीगु त्वाःया त्वाःनायःपिं नं ब्वति कया पुखू हे दय्केमागु खँय् बःबियादीगु खः। 'इतिहासनिसें पुखू दुगु थुगु थाय्यात पुखू हे दय्केमाः। महानगरपालिका 'जबरजस्ती' पार्किङ्ग नितिं ठेक्का ब्यूगु खः। पार्किङ्गयाय्गु थाय् दय्केगु न्वःछिनायात कयाः जिमिगु असहमति दु।' संरक्षण समितिया नायः बाबुराज महर्जन धयादिल।

'परापूर्व कालनिसें' हे यल महानगरपालिकाया वडा ल्याः २०य् निगु व वडा ल्याः ३य् निगु पुखू दुगु खः। उगु पुखू मध्ये वडा ल्याः २०य् दुगु छूगु पुखू न्हंकाः त्रिपदा माध्यामिक विद्यालय दय्कल। वडा ल्याः ३य् दुगु छूगु पुखू न्हंकाः थौकन्हय् या महानगरपालिकाया भवन दय्कल। महानगरपालिका भवन लिक्कसं छूगु पुखू लः रिचार्ज मजुइकथं 'कृतिम पुखू' दय्कल। ल्यंदनीगु थ्व हे छूगु थाय् दनी। थुकियात पुखू हे कायम याना तय्याः। ठेक्केदारयात छु नं हालतय् पार्किङ्ग याय्गु थाय् दय्के बीमखु।' नायः महर्जन धयादिल।

उगु थासय् पुखू दय्कसा हिति, मंगलय् लःया स्तर थहां वयाः नःत्वाः, छाय् बहाः जःखःया ल्वहीहितिपाखें लः हाइगु स्थानीयवासीपिनिगु विश्वास दु। अथे हे, वा वःगु लः जमीन क्वय् बाहाः वने मफ्याः महापाः, गाःबहाः जलमम जुइगु अवस्था नं म्हो जुइगु स्थानीयवासीपिनिगु आशा दु।

वि.सं. २०४१ सालय् राजकुलोपाखें लः वय्गु दीव पुखू बुलुहं गना वन। लिपा वनाः उगु थाय् 'फोहोर वांछ्वय्गु थाय्' जूवन। जुजुं उगु थासय् फा लहीगु शुरू यात। उगु थाय् तसकं नवल। ताः ईतक फोहोर व दुर्गन्धपाखें दिक्क चाःपिं स्थानीयवासीत हे जानाः सरसफाई अभियान न्ह्याकल। 'यचुपिचु लिपा उगु थाय् यात थौतक नं स्थानीयवासी मदिक संरक्षण याना वयाच्वनागु दु।' नःत्वाः मिसा पुचःया निवर्तमान नायः सजनी महर्जन धयादिल, 'आः वयाः स्थानीयवासीपिनिगु भावना अःखः पार्किङ्गया नितिं ठेक्का बीगु ला?'

थ्व स्वयां न्हयःया प्रमुख बुद्धिराज बज्राचार्य नं तत्कालीन प्रधानमन्त्री गिरिजाप्रसाद कोइराला मार्फत सभागृह

दय्केत शिलान्यास नं याकादीगु खः। तर स्थानीयवासीपिन्स विरोध यानाः उगु हल दय्के मब्यूगु खः।

महानगरपालिकाय् जनप्रतिनिधि मद्गु इलय् हे पुखू दय्केत स्थानीयवासीपिन्स माग याःगु इलय् तत्कालीन कार्यकारी प्रमुख तत्कालया नितिं पर्यटक वसपार्क दय्केगु धयादीगु खः। लिपा पुखू दय्केगु धाल। स्थानीयवासीपिन्त थुगु खँ बांलाकक हे लुमनाच्वंगु दु। 'आः जनप्रतिनिधि वयाः पुखू दय्केगु नितिं पलाः न्ह्याकेगु ला गन खः गन, अःखतं स्वदै न्हयः कर्मचारी धाःगु हे खँयात लिसा काल।' मिसा पुचःया निवर्तमान नायः महर्जन धयादिल।

स्थानीय सरकार सञ्चालन ऐनकथं सार्वजनिक पुखू संरक्षण याय्गु ज्या स्थानीय तिगिया खः। जनप्रतिनिधिपिं हे थुगु वायित्वपाखें लिचिलेवं स्थानीयवासी आन्दोलित जुइगु स्वभाविक जूगु दुपाः त्वाःया नायः प्रेमकृष्ण महर्जनया धापू दु।

ठेक्काय् बीगु क्वःछिनायात स्थानीयवासीया असन्तुष्टि दुगु विषयस मंगलाःया नगरसभाय् वडा ल्याः २०या दुजः धनबहादुर महर्जन ध्यानाकर्षण याकादीगु खः। 'थुगु विषयस खँ ल्हवनाबलय् प्रमुख चिरीबाबु महर्जन उगु थासय् बोलपत्र आह्वान यानाः निर्णय जुइधुं कुगुलिं आःया नितिं पार्किङ्ग याय्गु थाय् दय्केगु। लिपा विस्तृत आयोजना प्रतिवेदन (डिपिआर) दय्काः पुखू दय्केगु धयादिल।' प्रमुख महर्जनया धापूयात न्हयथसें वडा दुजः धनबहादुर महर्जन धयादिल।

## महानगरया ...

अथे हे, नेपालभाषा मंकाः खलःया दबूछें दय्केगु नितिं यें महानगरपालिकापाखे ५गु करोड २५गु लखतका दां बीगु जूगु दु। यें महानगरपालिकाया न्याक्वःगु अधिवेशनया इवलय् न्हयःगु आर्थिक वर्ष २०७६/७७या वार्षिक बजेट व ज्याइवलय् मंकाः खलःया नितिं फ्याःगु न्हयथनातःगु दु।

यें महानगरपालिकां शंखधर पार्क (न्हापा रत्नपार्क)य् नेपाल सम्वत्या प्रवर्तक शंखधर साख्वाःया इवाता तय्गु नितिं थुगुसिया बजेटय् १५गु लखतका फ्यानातःगु दु। अथे हे, नेवाः न्हयलुवा पदरल तुलाधरया इवाता तय्गु नितिं नं बजेटया व्यवस्था यानातःगु दु।

वइगु आर्थिक वर्षय् महानगरं शहीदीपं धर्मभक्त माथेमायागु सिफल्य, शहीद दशरथ

व गंगालालयागु शोभाभगवतीइ पूर्णकदया शालिक प्रतिस्थापन याय्गु नं प्रवक्ता डंगोल जानकारी बियादीगु दु।

अथे हे, बालाजु बाइसधारा उद्यानया साँस्कृतिक नाप धार्मिक पार्कयात स्तरोन्नति, महानगर क्षेत्र जुयाः बाः वनाच्वंगु खुसि, सम्पदाया सुदृढीकरण, पर्यटन पदमार्ग, फोहोरमैलाया दिगो व्यवस्थापन, कोटेश्वर तीनकुनेय् बुद्धपार्क दय्केगुलिसेंया योजना महानगरं नीति व ज्याइवलय् दुथ्याकूगु दु। थुगु नीति व ज्याइवलय् सुरक्षित भवन दय्केत महानगरवासीयात हःपाः बीगु उद्देश्य निम्ह व निम्ह स्वयां अचः जग्गाधनीपिन्त सहमति यानाः छगु हे आवासीय भवन दय्केत नक्सा न्हयब्वल धाःसा नक्सापास दस्तुर्य ९०गु प्रतिशत छुट बीगु, महानगरपालिकाया दुने मू सतकय् अनामिन्टल प्लान्ट यानाः शहरी हरियाली नाप सौन्दर्य अभिवृद्धि याय्गु, छ्वा छँनिमासिमा ज्याइवः अभियानयात निरन्तरता ब्यूगु दु।

अथे हे, स्वनिगलय् दुहां वइगु सवारी साधनपाखें जुइगु धूया प्रदुषणयात नियन्त्रण याय्गु स्वनिगलय् दुहां वय्गु नाकाय् सम्बन्धित निकायलिसे समन्वय यानाः आधुनिक भेहिकल क्लिनिङ्ग सेन्टर दय्केगु नं नीति व ज्याइवलय् दुथ्याकातःगु दु। प्रदुषण नाप धू व कुँयात न्यूनीकरण यानाः 'नो मास्क सिटी' कथं विकास याय्गु नितिं भ्रमरया प्रभावकारी छ्यलाबुलाया नापनापं माःकथं थप याय्गु नीति नं महानगरं काःगु दुसा साभा यातायात सहकारी संस्थाया सहकार्ययात निरन्तरता बीगु नाप सार्वजनिक यातायातया तय्गु व विद्यतीय सवारी साधनयात हःपाः बीगु नं महानगरया योजना दु। महानगरं तःधंगु योजना मोनोरेल सञ्चालन याय्गु विषययात नं निरन्तरता ब्यूगु दु। अथे हे, थःगु हे केन्द्रीय ज्याकू दय्केगु नं नीति व ज्याइवलय् दुथ्याकातःगु दु।

महानगरपालिकां समुदाय व संघसंस्थालिसे न्यागु तिगिया समन्वय यानाः समझदारी ज्याइवः न्हयःनेयंकेगु न्हयथनातःगु दु। गुकी न्हापांगु तहया समन्वय नाप सहकार्य सरकारी तिगिमय्, निगूगु तहया समन्वय अन्तर्राष्ट्रिय विकास साभेदारलिसे, स्वंगु तहया समन्वय राष्ट्रिय गैर सरकारी व गैर नाफामूलक संघसंस्थालिसे, प्यंगु तहया सहकार्य निजी लागालिसे व न्यागू तहया सहकार्य स्थानीय समुदायस आधारित संस्थालिसे जुइगु नीति व ज्याइवलय् न्हयथनातःगु दु।

## ज्यापु दिवसया पाःबबः लःल्हात



ज्यापु संस्कृति विकास कोष गुरुपुन्हिया लसताय् छूगु ज्याइवः यासे ६३गु त्वाःया बाजं गुरुपिन्त हन।


ज्याइवलय् मूपाहाँ कथं यें महानगरपालिकाया प्रमुख विद्यासुन्दर शाक्य व विशेष पाहाँकथं उपमेयर हरिप्रभा खड्गी श्रेष्ठ, पाहाँकथं ज्यापु महागुथि नेपाःया नायः राजभाइ जकःमि, यें महानगर समितिया कार्यवाहक नायः नानीहेरा महर्जन भयादीगु खः।

उगु ज्याइवलय् भिंभुक्वःगु ज्यापु दिवस हनेगु नितिं मूपाहाँ यें महानगरपालिकाया प्रमुख विद्यासुन्दर शाक्यया उपस्थिति

गोफःत्वाः माकः गल्ली ज्यापु समाजयात ने.सं. ११४०या ज्यापु दिवस हनेगु पाःबबः लःल्हाःगु खः। ज्याइवलय् गोफःत्वाःया नायः गोविन्द महर्जन पाःबबः लःल्हाना कयादीगु खःसा कोषया न्वकू सन्त महर्जनं ज्यापु दिवस हनेगु नितिं छूगु लाख तकाया चेक लःल्हानादीगु खः।

ज्याइवलय् प्रमुख शाक्य थुगुनेनिसें महानगरपालिकां बाजंगुसुपित हनेज्या सुरु यानागु खँ कनादिसे थुगु ज्यां निरन्तर न्ह्याइगु बचं नं बियादिल। ज्याइवः विकास कोषया न्वकू सन्त महर्जनया सभाध्यक्षताय् जूगु खः।

**हामी नेपालीहरू जुनसुकै क्षेत्रमा पनि काम गरेर देखाउन सक्ने अवस्था छ र रुल पनि हुन सकिन्छ। नयाँ प्रविधि तथा क्षेत्रहरूमा हामी जानै पर्छ। मुख्यतः हामीमा प्रतिवद्ध लगनशिलता, आँट र साहस चाहिन्छ।**



**नेपाल सरकार**

**सञ्चार तथा सूचना प्रविधि मन्त्रालय**

**सूचना तथा प्रसारण विभाग**



## नेवाः पत्रकार दबू ख्वपया नायः तमखु



नेवाः पत्रकार राष्ट्रिय दबू ख्वप कचाया स्वक्वःगु अधिवेशन व खुक्वःगु साधारणसभा छगू ज्याइवःया दथुइ दबूया नायः श्रीकृष्ण महर्जनं उलेज्या यानादिल ।

ज्याइवल्य दबूया न्वकू नृपेन्द्रलाल श्रेष्ठ, सुरजवीर बज्राचार्य व दांभरि सुरेन्द्रभक्त श्रेष्ठ नापं

भक्तपुर पत्रकार महासंघया प्रतिनिधि, शिल्पकार समाजया प्रतिनिधि व भक्तपुर घरेलु तथा साना उद्योगया नायः बिरेन्द्र जितपिन्स स्वक्वःगु अधिवेशन व खुक्वःगु साधारणसभा भिंतुना न्वचु तयादीगु खः ।

ख्वप कचाया नायः ईश्वरकाजी खाइजुया सभाध्यक्षताय् जगु उगु

ज्याइवल्य ज्याज्जे सीमान्त शिल्पकार आर्थिक प्रतिवेदन व प्रगति विवरण न्ह्यब्यादीगु खः ।

उगु अधिवेशनपाखे रामगोपाल तमखुयात सर्वसम्मत नायः ल्यःगु खः । अथे हे, सुरेश श्रेष्ठ न्वकू, देवेन्द्र प्रजापति ज्याज्जे, चन्द्रकृष्ण श्रेष्ठयात दांभरिकथं ल्यःगु खः सा दुजःपिं रिता दुवाल, प्रकाश मल्ल, राजन गारु, ऋषिकेश श्रेष्ठ व सिमान्त शिल्पकारयात सर्वसम्मत ल्यःगु खः ।

अथेहे, केन्द्रीय पार्षदया नितिं रत्न श्रेष्ठ, बाबुकाजी श्रेष्ठ, पूर्णभक्त दुवाल, कृष्ण किसि व रामराजा नापित ल्यःगु खः ।

स्वक्वःगु तःमुंज्याया नितिं दबूया दांभरि सुरेन्द्रभक्त श्रेष्ठया संयोजकत्वय् सुमन श्रेष्ठ व बिरेन्द्र जितपिं निर्वाचन कमिटीइ च्वनादीगु खः ।

## स्वम्ह च्वमिया चिबाखं ब्वनेज्या



‘सः छगू फरक अभिव्यक्ति’या ग्वसालय् यलय् नेपालभाषाया स्वम्ह चिबाखं च्वमिपनिगु छगू साहित्यिक ज्याइवः जुल । ज्याइवल्य साहित्यकारिपिं भूषणप्रसाद श्रेष्ठ, ध्रुव मधिकःमि व पुष्कर माथेमापिन्स थःथःगु न्यापु न्यापु चिबाखं न्यकादीगु खः ।

सुनील बज्राचार्य न्ह्याकादीगु उगु ज्याइवल्य सुधिर ख्वबिं स्वम्ह बाखं च्वपि व ब्वतिकयादीपिं मध्ये साहित्यकार जुलुम चित्रकारयात लःल्हानादीगु खः सा नरेश अमात्य लसकुस यानादीगु खः ।

## कक्षा ११ य न्हूगु भर्ना चाल

१९ दँ न्ह्यवनिसँ +२ सञ्चालन जुयाच्चंगु थुगु ब्वनेकुथिइ न्हूगु भर्ना चाल ।

### Management

- Accountancy
- Economics
- Business Studies

### Humanities

- Population/Travel & Tourism
- Sociology/Population
- Rural Development
- Health & Phy. Ed./ Env. Science

### Education

- Introduction to Education
- Instructional Pedagogy
- Population Ed./Env. Science
- Health & Physical Education



परोपकार आदर्श माध्यामिक विद्यालय  
भिंदा लाः, येँ, फोन : ४२६३७८८, ४२६०२१२

A gateway to the Zenith of Success

# Admission Open

in Special Management Classes

## +2

- Hotel Management
- Computer Science
- Business Studies

### ZENITH ENGLISH MODEL SCHOOL

THANAKHOLA, JHUMRA, KATHMANDU, NEPAL

Phone: 01-4247075, 01-4244323  
Email: info@zenith.edu.np  
Website: www.zenith.edu.np

सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।

## Delicious Sweets

**बिगबेल**  
**BIG BELL**  
Sweet & Snacks Pvt. Ltd.

Kamaladi, Ganeshthar  
Kathmandu, Nepal  
Tel: 01 4247075, 014244323

दीन, दुखी व असहायपिन्त निःशुल्क स्वास्थ्य सेवा प्रदान ।

दानी, सुखी व सम्पन्नयात सशुल्क स्वास्थ्य सेवा वरदान ॥

## छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क



उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंगा सेवा

शल्यक्रिया

- मोतिबिन्दु
- जनरल सर्जरी
- न्हायपं, न्हाय, जापः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु ल्वय
- प्वाःया ल्वय
- युरोलोजी
- मिसा ल्वय
- मचा ल्वय
- वाया ल्वय
- मिसा ल्वय

अन्य सेवा

- जनरल मेडिसिन
- चर्म तथा यौन ल्वय
- न्हायपं, न्हाय, जापःया ल्वय
- जनरल हेल्थ चेकअप
- थाइराइड व मधुमेह ल्वय
- चिकित्सा मनोरोगविद परामर्शदाता सेवा
- ड्रेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



**२४ घन्टा**  
**ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९१, ४२६६२२९, E-mail: cfclinic@mail.com.np, www.free-clinic.org.np